

farem confixit, euentum prælij eviden-
 tissimis prodigiis prænotatum ferunt:
 primum omnium Dyrrachio Thessaliam
 versus iter arripiens, infœlix Dux, multo
 tonitru crebrisque fulminibus exceptus
 est. En prodigia æstiuis præsertim mensi-
 bus? Poterat quidem subsistere dilato
 profectionis die, Hannibal is **cautissimi**
Ducis exemplo, quem mœnia Romanæ
 urbis aggressurum, bisterque repulsum
 tempestate nouimus, & profectò arbitror,
 si Dux illi exercitui fuisset Augustus, qui
 alteri non multis annis postea **Dux**, in eis-
 dem campis fuit, retrocessisset, vtique
 quem semper & ubique (vt Tranquillus
 ait) pellem vituli marini, circumferre,
 pro remedio atque omnem maioris tem-
 pestatis suspicionem, in abditum & ca-
 uernarum locum se recipere solitum ac-
 cepimus: at Pompeius quia fulmina mi-
 nutiora non timuit, aduersus maximum
 & violentissimum fulmen Cæsar is pug-
 naturus, Religiones & Decrum portentum
 neglexisse reprehenditur. Nam quod
 apum examina circum signa volitarunt,
 quid nisi mellis & ceræ copiam, quod so-
 nus tympanorum Pergami in penetrali-
 bus templorum auditus est, quid nisi la-

C. ij.